

白
華
後
稿

序

憶自壬寅秋謁 白華師於武昌使署方於敗籠
中撿校詩文起自丙寅至辛丑而止自言生平所
作不錄副散佚滋多今當就所存者抄錄副本卽
命襄其事錄成得詩古文詞六十卷分爲十集次
年癸卯門下士請梓以行仍史記自序漢書敘傳
意自爲序且曰一書不再序諸子有能文者跋之
皆嘿不敢應所謂游夏不能贊一詞也是夏囑課
其長嗣星宰受代後偕入都甲辰課其姪庚塘仲
甫丙午 稷堂先生刻霍沙時文時與商推壬子

并課其贅壻喬子葆堂乙卯冬拜別春明門外隨
侍十四年詩文之作名曰叢稿每一稿脫必出以
相示謂有可商量處商量之間或芻蕘一得無不
欣然見納亦泰山不讓土壤河海不擇細流之意
耳甲子過吳淞 師已先一年溘逝矣星宰奉叢
稿乞訂摩挲手澤不勝感悼雖攀依絳帳親炙日
深未能窺見一斑何敢妄與是役 稷堂先生旋
里纂輯藝海珠塵之暇次第編輯共存四十卷去
春乃付剞劂旋以祝

嘏入都未及序今年十月朔來茸城拜

師於祠 稷

堂先生亦以春初歸道山星宰復請曰先大夫在
日每言續稿成當囑叔父序之否則必門弟子之
最相知者今不幸叔父見背願以丐先生嗚呼吾
師門生遍天涯燕許手筆所在都有雲何人斯昔
不敢跋前稿今乃敢序後稿乎而以侍函丈久且
於 稷堂先生回籍後朝夕過從又四五載知其
兄作第述至詳且悉非他人可比義不得辭自愧
謏陋不能文亦不敢文特書顛末以附簡端恐於
師意未得當焉識者幸勿嗤之肯

嘉慶十五年歲次庚午十月望後三日受業鹽官

王步雲謹序

年譜

我吳氏世居丹徒之順江洲自前明已來籍博士
弟子者同時常數人或十餘人而仕不顯鄭成功
旣平京口設駐防兵洲地皆牧馬居人多他徙高
祖元吉公諱自昌渴葬翟孺人于洲而挈我曾祖
贈通議大夫存初公諱燧本生曾祖贈文林郎嘉
會公諱宗亨至上海之下沙鎮止焉偕行者從弟
自強及龔某劉某劉復徙下沙北數里自強公復
徙周浦北數里生宗傑宗江皆上海縣學生時上
海學入額祇十二名通議公困童子試久已棄去

康熙戊辰夢所居建一旗復就試得入學庚午闈
卷主試裴公王公已冠青浦令李君之房繼得劉
輝祖卷乃易置副榜顧不以介意與文林公事繼
母周孺人愛養甚篤終其身未析箸我祖贈通議
大夫迂疇公諱啓秀方八歲卽隨通議公起居通
議公館杭之西溪爲張封公課其子大司寇文敏
公照中嵐氣以歿命我祖爲後而從祖弈梁公諱
倬則後我文林公

迂疇公字禹疇生康熙乙卯重陽日年二十玖入
上海縣學第一翌日復入金山衛學第三學使張

公甚奇之鄭魚門中丞視學時鑒所試作於版執業者常數十人錄經史通鑑通考大學衍義補諸書累數百冊爲文章發揮理要網羅史事顧十摺於省試年七十四將序貢而卒貤贈朝議大夫提督四川學政 日講起居注官左春坊左庶子兼翰林院侍讀晉贈通議大夫娶趙淑人生我父及世父郡庠增廣生脩田公諱成棟繼娶倪淑人生季父戊辰進士今廣東樂昌縣知縣掌平公名世賢

考諱

上成下

九字和仲一字耕巖生康熙甲申重

陽後一日六歲而趙淑人卒玖歲育於倪淑人甫
作文周浦王範之先生鑄以戚屬後進擊賞不輟
歲乙巳入華亭縣學後撥歸奉賢縣學爲文務以
博大爲宗於詞宗蘇辛於書宗雲麾參羅二碑性
介直雖甚困不以不義名一錢娶我母顧淑人上
海縣庠生贈奉直大夫翰林院庶吉士丕承公諱
宏烈長女

雍正七年己酉十二月十四日午時生於下沙東
倉先是存初公有居二十椽枕衆安橋壘積數棺
迂疇公無以營葬乃賣宅得百金葬元吉公及周

孺人存初公及元配梁淑人繼曹淑人庶周孺人
嘉會公及張孺人別僦王氏倉屋僅蔽風雨時館
新塲方氏相距十二里聞信吐哺而歸名之曰鶴
徵就傅時字以壽國

八年庚戌二歲

玖年辛亥三歲

十年壬子四歲四月亡妹生辛酉十歲而殤秋大
風雨海水暴至歲大祲

十一年癸丑五歲

十二年甲寅六歲

十三年乙卯七歲就傅讀孝經至愛同敬同請于
蒙師劉英上先生曰于文爲同若加木旁當是桐
字時表兄秦德興追隨同塾劉師顧之以爲不逮
然日誦僅三四百言疴疾頓作老奴朱日負之入
市東出西歸謂之放癯

乾隆元年丙辰八歲

二年丁巳玖歲誦四書詩經周禮始畢

三年戊午十歲隨府君至新塲閔氏館五月弟蘭
生

四年己未十一歲仍館閔氏

五年庚申十二歲誦易書及禮記春秋胡氏傳左傳畢仍館閔氏

六年辛酉十三歲讀史記三十餘篇皆府君手錄間爲破承題仍館閔氏春季父選拔秋中鄉試

七年壬戌十四歲從府君館灣洲周氏冬始誦時文

八年癸亥十五歲仍館周氏二月三日府君命吾日三省吾身題日高春膳畢命改作復畢授午餐

周茂才

勒銘

來索閱訖謂府君無怒玖月應府試

時府君不欲令觀場而季父館郡城有冊註縣試

名籍者強之使來始見郡之城郭宮室十一月杪
痘發甚殆弟蘭痘亦發我祖說三國衍義以紆我
痛除夕始倚牀而坐

玖年甲子十六歲正月唐氏妹生夏隨大父館郡
城李氏應學院開公科試是秋間三日課四書文
二題每題私作二首或三首

十年乙丑十七歲侍府君郡城張氏館四月以縣
試註冊之名應府試六月一日學使崔公歲試寄
金山衛童冊就試執友趙秀文先生楚偕寓訊予
喜誦何人文子妄舉以對背誦至三四次日心氣

粗浮強予臥帳中而趙依案作字如是四日心如
死灰遂以今名入場試湯之盤銘曰夫明堂者二
題心手揮霍皆若宿構旣雋旋撥入南匯縣學第
五

十一年丙寅十八歲春聘外舅轉菴查公長女五
月就其館讀書專爲科試玖月科試一等第二名
食餼與趙璞函張少華張韞輝始定交

十二年丁卯十玖歲隨府君至江寧應鄉試是年
始定科舉額其錄遺被擯者以數千計

十三年戊辰二十歲授蒙童於家季父成進士冬

先大父卒

十四年己巳二十一歲春學使莊公月課第一名
歲試第六名發落時莊公召之語曰是卷於招覆
榜發後始得寓目故名次小屈然切曾子發論者
惟此蓋首題爲君子以文會友也是年館市西劉
氏

十五年庚午二十二歲贅郡城崔公復來視學六
月於崑山調舉科試列一等第七名省試復落玖
月府君病痢自康家壩宋氏館歸受業者以次年
來就舍予仍館劉氏

十六年辛未二十三歲正月受業于府君者皆來就三月杪府君捐館病勢既久參朮費至百餘金先一年府君又於舍東修築三椽逋木值三十餘金無所典貸追呼盈耳乃決意習幕事時蘭弟不好學責之自投于河撮而撲之

十七年壬申二十四歲正月杪世父應

恩科省試卒於省邸時訃未至而季父挈予將上玖江過省已殯遣僕王元者扶輓歸上已至玖江關使唐公英初抵任延季父居甘棠湖之烟水亭評閱玖江生童課卷而予課其一子二孫

十八年癸酉三十五歲六月杪附米船應金陵試
四日而達試畢仍至玖江居烟水亭郡守豐潤董
公榕字蔭千見顧談藝相得甚懽訂以來春商訂
府志除夕歸抵家

十玖年甲戌二十六歲三月將歲試董公以書來
邀乃買舟逕東壩出蕪湖於吉陽河太子廟見壁
間蒲圻李標詩爲次其韻四月居董太守郡齋每
夜設漏輟四五下給事者盡散呼茶湯亦不得然
兩不相厭創志稿凡例而經費無措八月季父將
謁選促予歸

二十年乙亥二十七歲大祿斗米錢三百文玖月
赴崑山補考學使晉寧李公因培示附二等旋按
雲間科試列一等第一名促予赴江寧彙試詩賦
以迓

翠華而

南巡之命緩至下丑

二十一年丙子二十八歲四月季父奉祖母之官
沅江弟蘭隨往予儼郡城蔣涇橋王氏五椽以居
大祿之後質庫停質徧貸得三金應省試時二場
判題士師評物價評誤平被貼歸舟惘然顧太湖

人及予婦查恭人夜績輒達旦易米以爲常十一月以彙試詩賦赴江陰試送書院肄業得收錄回至蘇州學政李師檄紫陽書院給五月膏火凡玖人予名在焉以是得爲

奏賦之舉

二十二年丁丑二十玖歲二月迎

駕獻賦於望亭三月十玖日於江寧

御試精理亦道心賦經義制事異同論鴻漸于陸詩

命協辦大學士尙書錢塘梁公兩江總督望山尹公副

都御史諸城竇公子卷在梁公所以予分疏精理

二字通場所無

命下列一等第四名

特賜舉人授內閣中書學習補用

二十三年戊寅三十歲四月買舟奉顧淑人北行

七月赴內閣當夜直鈔舟次所作詩本侍讀

紹元

見而誦之不去口曹同年

仁虎

每與予徒步赴直

笑言掉臂不以出無車爲恥也

二十四年己卯三十一歲正月四日有客飲予所

忽僕婢以太淑人嘔血告時予僅畜僕二婢二予

承先淑人背而坐醫至則查恭人代之而予出應

七晝夜未嘗交睫忽兩目如漆黑有聲轟然背脊如潑水而以薑蘇湯藥療之稍見效三月一日起直淑人復病三月十八日去世五月蘭弟至自湖南猶欲爲北闈計相見慟絕遂以六月扶櫬偕歸割外舅宅前三椽以居十一月自玉山逕瀏陽至長沙省祖母於湘陰縣廨

二十五年庚辰三十二歲四月應浙江本韻雲先生鴻湖南學幕襄校衡長科試同在幕者粵人陳其焜盧應譚至衡州皆辭歸予獨閱錄遺卷始歸中秋夕渡洞庭十月卜葬地於婁青間不食墨渡

浦而相地四乃得於南匯之南二竈

二十六年辛巳三十三歲服除玖月三日葬府君
於南二竈蘭弟于重陽後旬日入南匯學一名十
二月贅之張莊許氏八月妹氏適唐是時季父解
任

二十七年壬午三十四歲偕弟蘭迎

駕于望亭予頌冊入選

賞緞一疋秋弟蘭中鄉試

二十八年癸未三十五歲正月三日買舟北上璞
莽攜其家俟我于揚弟蘭偕同行者應文于舟次

上巳前一日始入都門與璞菴同僦李鐵拐斜街屋會試中第十四名房師編修餘姚諸公

重光總

裁係少司馬錢塘王公

際華

少宰吉林德公

保大

司寇無錫秦公

蕙田

四書題解武子邦有道則知

二句次題無憂者其惟文王乎三題先名實者爲人也四句詩從善如登

殿試二甲三十名今陝西畢中丞

沅

時以修譔充收卷

官語其儕曰若以策取殆無過矣

朝考保和殿予卷在大司寇舒公

赫德

所擬置第三謂

協辦大學士武進劉公曰是卷四詩皆工惟心爲

太極論以太極爲道家授受故未敢擬首選劉公
曰卽以論當首選矣時新進士自鼎甲外分一二
三等引見予名在一等第三奉

旨改庶吉士五月至庶常館館師武進劉公少宰德公

編修太倉邵公

嗣宗

予每一賦出邵公輒錄其副

劉公試于闕玉磬賦登高賦皆第一會憂去以大
學士諸城劉公代之是年與璞菴蘭泉魚門東亭
雲椒吾山耳山習菴及躬蘭爲聯句之會

二十玖年甲申三十六歲劉公館試第一爲纂修
續文獻通考官五月季父遣急足齎千六白金捐

復知縣爲徧貸得二千餘金兩閱月始濟自此七八年晝則課徒夜則修書或達曙不成寐

三十年乙酉三十七歲春

翠華四幸江浙自廢員及館閣臺省卿貳所進詩冊不少璞菴與予每篝燈對擬以爲常諸城劉公再試仍第一兼充一統志纂修官與璞菴始分車分寓撰音韻述微支微眞文元舉刪先諸韻李蘭臺徐蒼林皆來居停

三十一年丙戌三十八歲散館八磚影賦麥浪詩予旣成四詩謄訖李同年

調元

謂予曰能再作耶

乃復成二首繕其一

欽定一等第三授編修寓孫公園弟蘭挈眷至六月

奏派譔文沈生

以顯來寓

三十二年丁亥三十玖歲冬

奏派教習庶吉士八月內人撫弟第二女爲女

三十三年戊子四十歲四月一日引

見試差人員下初五日大考之

命是晚諸太夫子至初三日恭赴

圓明園寓初五日試擬張華鷦鷯賦新疆屯田議紫禁

朱櫻出上闌詩

親擢一等第一名陞翰林院侍讀十玖日京察引
見准一等

記名外用劉文正公以學問優贍請留二十五日充貴
州正考官與御史孟邵同行十一月二日復

命于

乾清宮西暖閣

問歷考次第因

諭以作古文當先見解是冬十月行次荆門見北闈題

名錄知寓中四生康

儀鈞

夏璇

源沈

以顯

姪熊

光

俱獲雋黔闈得蕭

鳳翔

以下四十人八月十三日

外簾送卷至予隨手採覽隨發本房其佳者或圈
讀數句唐金卷定元者數日矣二十四日以書二
房所定副榜一卷殊不愜意復索備卷皆不稱時
孟君就飲于王監試日杏所忽李君幼僕晷呼甚
厲予恐火之藝卷也倉皇出叩李僕言有一巨人
從空而墜其頭如箕予心動復命李以諸備及未
薦卷至則蕭卷在焉閱竟甚喜孟君閱之亦嘆異
而蕭弟鳳翔于庚寅鄉試旣薦置落而主司張君
培輒誤入中卷中心異之乃得中式歸次淇縣遇
蘭泉璞菴從軍入滇璞菴遂永訣

三十四年己丑四十一歲充會試同考官得沈碧
城劉錫嘏王祿朋姚芳遠高士玉衛錦王應遇戴
求仁莊寅清竝中書沈啓震譚廷棟學正徐立綱
祝堃等復

奏派敎習庶吉士是年會試中額最少貴州止中二
名而蕭生得聯捷

三十五年庚寅四十二歲舉

恩科鄉試

御試四書文二詩一其去取甲乙莫得而知也五月遷
居于順城門大街充廣西正考官與兵部主事李

廷欽偕行得周琢等四十五人路經黃陂時季父
方爲令予省視祖母往返各居三日十月復
命于

乾清宮西暖閣十一月第蘭補國子監學錄引
見

諭曰吳省欽是汝兄耶

三十六年辛卯四十三歲六月署

日講起居注官時試差之甲乙名第仍莫得而知而前
二次曾充考官者俱分註于名下故是科典試皆
前此所未用者十七日侍班

圓明園之

勤政殿翌日

命充湖北正考官皆

異數也編修黃君

良棟

爲副考官得葉奕焜等四十

七人季父復罷官歸途次黃陂侍祖母三日復

命于

勤政殿東閣

上聞所奏聲笑曰松江人也蓋張文敏

照

顧侍講

成天

久直

內廷

天縱之無所不知如此八月喬氏女生三月充會試同考官得沈廷獻彭錫璜楊殿梓張時獻黃瀛元尹潮梁孔珍楊漣等八人

奏派敎習庶吉士京察引

見准一等十一月充

日講起居注官

三十七年壬辰四十四歲充會試同考官得來起峻平恕熊言孔顏培天朱攸葉誠周謙閔惇大陸湘孔廣什王坦修周琢蕭鳳翽彭元琬是科予以病決擇甚審僅薦三十四本惟戴衢亨錢世錫孔

年譜
繼涑三卷薦頗力而不與雋復

奏派庶常館教習十二月三日侍班

乾清門

上目視兩及之少選有視學四川之

命翌午祖母訃自密縣署中至遺命以從弟省杰爲世

父後時內人胃痛幾殆藥不一效值此喪故匆促
治裝叩別劉文正公瀕送嘆曰子去兩年當歸歸
不知吾及見否又嘆曰子去今不知蜀督爲誰又
嘆曰子去我信子之不辱使永訣之言知己之感
念之至今猶心蹙也請

訓于乾清宮西暖閣

三十八年癸巳四十五歲正月三日起行同邑姚

蘭泉裁亭蘄州陳佑滌與偕竝趙

秉淵

少鈍欲省

其父璞菴於金川軍營予挈之行妻弟查實穎自懷慶至潼關以待二月二十五日抵省三月十日歲試成都見生童命名達礙鄙俚複疊及連姓取名如亭林顧氏所記者悉行改註又別字土字連篇累牘既爲榜示之復刊蜀字匡繆一編正之時際軍需溫江令以徵夫鞭責二生歲試前一日溫江一生無報名者予亟爲改期榜示利害翌日而

畢至復獎舉吳生

浩桓

以勵其氣五月望赴邛州

六月十八日于雅州聞木果木之變爲位以哭璞
巷又十一程而至寧遠崇山插天榛石塞路陡絕
處皆臨不測較雲棧險且十倍八月旋省遂舉科
試十月二十四日赴嘉定而敘而瀘度歲于重慶
彙舉會理州訓導張德化時蜀中教職不予保舉
者十餘年矣

三十玖年甲午四十六歲正月二日發重慶至順
慶保寧龍安歸省在三月上旬矣七月錄遺八月
舉優生吳浩桓孫文煥穆念貽鄉試榜發吳中第

四名孫中第六名歲科試一等第一者凡中十名
武新生鄉試中玖名蜀自奉有督臣會同考試優
生之令遂不復舉會舉自此始十月奉到仍留任
四川學政之

旨時姚秋塘於三月東歸陳六峯會試入京貴州吳孝

廉

榛陳孝廉

新佐

文孝廉

敘溶

至是秋弟蘭以助

敘特入順天鄉試文闈

四十年乙未四十七歲三月試成都成屬歧考甚
多而武童尤甚成都至三百名華陽至四百餘名
嚴令呈首查汰十不存五五門至嘉定瞰荔支登

峨眉山予恐以擾動不欲往而權守湯

大疑力勸

之六月二十四日大暑宿山頂午刻可解衣傍晚
則擁爐披一裘尙不足觀聖燈佛光雲海翌日返
宿峨眉縣秋塘同遊蓋于五月間偕劉生抵嘉定
也玖月酌監射武員設坐之制下涪州之羣豬灘
灘石如豕之負塗水勢兇悍屢與石搏忠州登翠
屏山夔州登白帝山讌于郡齋之望華亭回舟至
萬縣抵達州州童以權牧馬某故臨試幾欲毆之
嚴切儆示頃刻而定試順慶保寧潼川度歲是年
十月遷右庶子

獎

四十一年丙申四十八歲正月二日發潼川連舉
龍安歲科試以愜軍需倥促時生童官吏之意准
部而後不以爲例是年二月四日金川營索諾木
就降俘之入京三月望日與李又川中丞逐將軍
于鄯觀桐花鳳五月試川南時雅州業已設棚而
歲科分試相距不過一月因咨請連考經部議准
而部叅謂爲不應不奏罰俸玖月云六月轉左庶
子是冬弟蘭以進平金川箴受

四十二年丁酉四十玖歲七月會同文制府考准

選拔凡百有十玖人是科中式者十一人代予者
爲劉錫嘏純齋重陽後二日內子挈家歸松十一

月二十玖日始到予以十一月二十八日受代十
二月朔日啓行秋塘爲松茂道恂叔查丈所留度
歲長安與曹習菴張少儀竝敘于畢中丞座上聞
妹婿唐祖樾舉南闈表弟張位中舉北闈棉州門
人孫文煥偕予行至介休呂公滋署中度上元遊
李氏園

四十三年戊戌五十歲二月復

命于西暖閣四月會試榜發弟蘭被放先是以去夏奉

有會試後題奏之

旨特准一體

殿試改庶吉士五月院長于文襄仍以予

奏派教習教習例以侍讀以下奏充予四與此選而

文襄輒謂予古賦爲近所罕見故破例焉予于文

字之役雖師友商示不敢稍假前後分課諸君其

虛心來受者無不應之周生

藹聯

金生

蔡

何生

愚

在寓問業十月內子至京撫弟蘭第三子爲子名

曰敬樞

十一月與纂音韻述微一統志

四十四年己亥五十一歲三月試差第一名于文

襄見次題晉平公之於亥唐也文亟趣錄送予既
未暇則趣入直之中書代爲錄之四月遷侍講學
士隨派侍班于熱河文廟五月十一日扈行六月
初六日始返京寓時大雨沒轍灤河潮河覓渡甚
艱雨宿者數矣十七日充浙江副考官

奏假於試畢歸途取便省墓爲王範之先生遺孫聘
某氏十一月六日還

觀闈中以八月十三日外簾始行送卷時王侍郎

燕分

閱單房予分閱雙房未刻有第十三房所薦詩經
卷予偶一取視謂侍郎曰此空羣矣比二十日子

得十四房陳生卷亟以示侍郎侍郎曰此殆首選
玖月朔末場薦卷至蓋無踰十三房卷者遂力主
前說榜發則蔣生師燭浙人共推爲國士者也洎
明年會試蔣陳俱成進士共聯捷者六人

四十五年庚子五十二歲五月第省蘭授職編修

七月歸姚裁亭徐蔭林之喪八月二十六日奉視
學湖北之

命赴堯亭子

行在謝

恩周生暨徐生興文以玖月偕予出都戴生友衡自京

歸休寧期以燈節前抵署是冬王茂才堂開至十

二月轉侍讀學士 以上係 先大夫自記

四十六年辛丑五十三歲知鄖縣李公集以農民

陳文世妻劉氏剛肝起姑告爲孝婦詩表揚之二
月首試德安名其院門曰風始諸郡以次按試由
宜昌之施南過歸州山道窄而險山凸處輿丁以
絳索數十上前後不能照顧一不得當卽墜百尺
之深溪先大夫恤其艱苦徒步蹉足

四十七年壬寅五十四歲宰應城王公嵩高以所

部張童子桂剝股療世父疾爲之掄揚童子來應

試作序贈之益勉以學歲試報週舉行科試玖月
考黃州畢回彙垣命敬樞侍先妣查夫人歸修祖
父母墓以文版之霍沙故居奉爲先祠爰構屋於
舅氏三珠堂之南在郡城西先大夫手輯前稿凡
十集

四十八年癸卯五十五歲開篆後科試武昌試畢
校刻前稿五月敬樞侍查夫人由松江水程抵署

適劉太夫子英上先生來訪古貌古相公服迎之
話舊三月爲之計買山而送以行七月錄遺湖北
舉子額不過五千錄遺者五千有奇可取者三千

以上先大夫告之姚中丞成烈福方伯慶取轎號
捐供給寬取八百人諸生爲之感頌任滿受代十
二月初玖日抵京復

命寓興隆街

四十玖年甲辰五十六歲三月陞光祿寺正卿三
年在湖北學政任京察

記名單久不上至是始復上故回京幾四月卽陞入卿
階

五十年乙巳五十七歲成均

辟雍告成二月

上親臨釋奠獻說雍文冊入選深契

宸衷奉

命上書房行走侍 成親王世子讀書卯入申出以興隆

街入城較遠移寓青廠官房三月

賜內直諸臣文房清具得文竹都盛盤一香盤三眼鏡一

作詩恭紀十一月陞順天府尹先大夫以府尹總

理二十五州縣事繁

奏請辭上書房事奉

旨俞允

五十一年丙午五十八歲甄別金臺書院得施公

杓卷極賞鑒之許其必入詞垣每課置第一三月

繆姊丈

雋

自山東藩署來京入贅四月偕姊氏回

東五月奉

派稽查左翼宗學六月

叔父充浙江正考官送之邸

寓曰兩浙多佳卷慎選之八月監臨順天鄉試以
應試者不止順天等處之人請照會試知貢舉例
臨期奏派奉

旨俞允

五十二年丁未五十玖歲

質親王以手書臨帖

二詩示依韻和呈蓋

上書房行走時 親王 郡王常以筆墨酬唱故尹順

天後亦間有之五月 叔父請假省墓大兄 敬權

二兄 敬模 隨侍回南大兄完姻卽應本籍童試

五十三年戊申六十歲七月構隙地厝同郡旅櫬
之無歸者作松江義殯記十月侍 成親王校試
武闈以張文敏金人銘換乞墨蹟十四日入闈監
臨

五十四年己酉六十一歲正月十二日

奏雪

高宗純皇帝望見之曰汝等又

奏雪耶以上年除夕前得雪早報瑞也二月大兄入泮
致月中式本省鄉試與門下士周君萬聯同榜聞
之色喜曰懷芳以選拔入都吾姪方上學堂今並
舉於鄉亦幸事也十月喬姊丈淦自上海來京入
贅卽留寓讀書應順天鄉試

五十五年庚戌六十二歲二月

高宗純皇帝耕籍禮成優予獎叙是年賜

御製集石鼓文製鼓重刻序

御製涇清渭濁墨刻論語集解義疏八月恭遇

高宗純皇帝八旬萬壽獻說壽文冊蒙

恩褒賞大緞二疋荷包二對十月派閱拔貢

朝考卷十一月以官用羨銀修順天府育嬰堂東西房
五十六年辛亥六十三歲正月由順天府尹任陞
禮部右侍郎卽放順天學政四月在通州試解校
閱生童卷日夕不稍懈心火上炎陡得咯血症於
試事益恐草率勉力支持試畢病更劇

奏請解任

高宗純皇帝命叔父來代學政回京調理禮部侍郎仍
命不必開缺五月調補工部右侍郎且
遣金侍郎士松來問病八月病痊前赴

灤陽謝

恩銷假叩頭訖

高宗純皇帝溫綸慰諭曰汝用心過度咯血半年鬚髮俱白矣尙能做詩否叩頭謹對奉

勅恭和

御製詩玖首玖月爲敬樞授室劉氏外父翰林院編修劉

公種之三女也十月

派閱舉貢試教習卷

五十七年壬子六十四歲五月扈

蹕灤京六月充江西鄉試正考官偕江南道御史王公天

祿行得劉黻等玖十四人八月初六日入闈暑渴
至明堂西井泥不食浚之得泉字曰壽章并爲文
以記於版惟時七月先妣查夫人病腫脹敬樞延
醫調治稍稍就痊十月差旋冬令漸深病日甚二
十八日長孫樹榮生呼之曰去疾望查夫人含飴
而弄也十一月倡修雲間會館并爲之記

五十八年癸丑六十五歲正月初四日先妣查夫
人歿于京先大夫以夫人內助四十三年一朝長
逝悲不自勝三月充會試副總裁四月時疫甚行
暴卒者多王彝舟師步雲病火結口噤不能言日

命敬樞

偕喬姊丈

淫

侍疾廢服食者七晝夜矣已

爲之搆桅木而顧

敬樞

曰汝師不應客死延同鄉

王君

焜壁

醫之一劑而愈聞之大喜曰我固謂汝

師未死也七月命

敬樞

扶先妣查夫人櫬歸葬婁

縣之白漾灘而自治生壙擇于是年十月初四日
葬查夫人先爲壙志納之玖月轉工部左侍郎十

月武會試

派知武舉

五十玖年甲寅六十六歲三月以媳劉氏病甚命
敬樞回京六月充浙江鄉試正考官偕戴可亭先

生均元

行得湯金釗等玖十四人八月媳劉氏歿

于京先大夫於闈中聞信以去查夫人之歿不及

二載長孫方在抱又喪冢媳甚爲悲悼出闈後各

衙門設讌以款槩辭不與袁柏田方伯時官浙西

爲查夫人姪婿因言三舅氏查公

實秀

女可續膠

以撫

樹榮

卽聘定之玖月京兆榜發喬姊丈中副

榜貢生途次得信爲書賀鷗村先生十月差旋十

二月署

經筵講官

六十年乙卯六十七歲正月初玖日奉

勅恭和

御製重華宮茶宴廷臣內翰林復成二律元韻

御製新正紫光閣茶宴外藩元韻六月復充浙江鄉試正

考官偕翰林院編修洪公梧行得林敷英等玖十

四人八月叔父任滿受代仍放順天學政兄弟先

後互代一時榮之途次嘉興接部咨回京謝

恩任事是秋命敬樞應京兆試受知於諸城劉師洵芳先

生鏗之薦甚力而未獲雋勉之曰學到則運通劉

師培植不可負也宜自勵勿懈十月查石帆表兄

滌源送三舅氏女來京爲敬樞續娶

嘉慶元年丙辰六十八歲元旦

高宗純皇帝御太和殿傳位

皇帝登極授受禮成獻說傳文冊越四日與千叟宴

恩賜如意鳩杖等珍品先大夫以未及七十得與杖朝

之列榮莫大焉作玖言詩一首恭紀奉杖於堂顏

曰

賜杖恭和

聖製紫光閣茶宴外藩元韻太學石經告成

賜內廷諸臣先大夫以曾在

上書房行走亦得與焉敬謹寶藏故於歸田後以石經

顏其堂二月出京按試及至天津棚次聞是年四月南皮張裕慧婦王氏刳股食裕慧病卒不起越四七而殉爲張烈婦詩表揚之

二年丁巳六十玖歲正月恭和

聖製新正重華宮茶宴廷臣及內廷翰林用平定苗疆聯句復成二律元韻八月調補吏部右侍郎十二月轉左侍郎

三年戊午七十歲二月上丁

聖駕釋奠臨雍禮成進雅八章三月按試外郡陞都察院左都御史奉

旨來京供職

四年己未七十一歲正月罷職四月出京由水程
回籍七月抵松暫居三珠堂之南查夫人所構宅
也其宅本舅氏故居中表兄弟以人多屋少謀復
其舊就近于叔父聽葵堂之北卜宅遷居以三舅
氏無後未立嗣子撥饋產八十畝俟有爲之後者
給之玖月大兄以別駕任肇慶東謁祖墓而行送
之曰吾家以清白貽子孫汝其勉之

五年庚申七十二歲二月修崔沙祖墓爲文以祭
先祠六月乞錢塘梁山舟先生

同書

書石經堂額

八月初盆梅試十餘花十六日夜火光如斗墜入
庭中咸以爲異十八日生弟敬沐庶母李氏出喬
鵬村先生以詩來賀次韻答謝並告門弟子之宜
遊四方者

六年辛酉七十三歲以松俗棺槨多火化告之太
守今河南廉訪趙公宜喜出示禁之又恐無力葬
埋者終于暴露願捐錢創建與善堂太守先率俸
錢爲倡諸同志咸樂贊成各捐錢置產以垂久遠
設堂于郡城西每年三節無力自葬之棺悉爲之
灰葬義塚至今勿替

七年壬戌七十四歲先大夫手不釋卷復爲親族
世好成全善事不一而足咯血屢發爰搆舊屋材
料於屋後隙地建初日堂以爲養疴之所

八年癸亥七十五歲自正月至三月每日常教弟

敬沐識字二三十名四月歸繆氏姊從清江姊丈

裡河同知任所來省視五月初舊病復作敬樞延

醫調治日侍湯藥病中惟以叔父在京二兄敬模

隨侍并以大兄敬權遠宦粵東爲念二十日外處

分家事神明不衰至月盡竟成口糜六月初二日

溘然長逝敬樞奉疾無狀至今肝裂遺命請王述

菴侍郎祖作墓志銘啓白漾灘生壙葬之敬樞遵

乞志銘於十月十二日歸葬子二敬樞敬沐女二

長適裡河同知蕪湖繆傳次適乙卯副貢候選國

子監典籍上海喬淦孫三樹榮樹棠樹英孫女二

皆敬樞出

先大夫於庚子秋視楚學歲杪未按試曾手訂年

譜欲於每冬總覈一年之事而記之乃辛丑後

出奉輜軒入侍

禁廷歸田不數載復爲親族世好完嫁娶計存養謀

喪葬急患難惟日不足未暇續輯今距先大

夫之歿已八年矣後稿於去年請 叔父編輯
將並請序及續訂年譜今春又復見背抱恨終
天竊悔于役粵東蹉跎歲月嗟何及乎子弟輩
見聞不及恐無以述先德于將來不得已謹就
所記憶者續成一編以付剞劂至生平造就人
才孜孜不倦如洪爐鼓鑄偉器紛羅不遑殫述
知其閒挂漏尙多焉

嘉慶十五年歲次庚午十月望日 男敬樞 謹述

白華後稿目錄

卷第一 奏摺

丙午科監臨京闈奏摺 丁未立春日雪報摺

戊申正月十二日雪報摺

己酉正月十二日雪報摺

耕藉禮成優予獎叙謝摺

御製集石鼓文製鼓重刻序

御製涇清渭濁墨刻

謝摺

賜論語集解義疏謝摺

辛亥正月十四日雪報摺

弟省蘭以侍講試擢詹事謝摺

再任順天學政謝摺

卷第二 符 雅

六符 一首 謹序

聖駕釋奠臨雍講學禮成雅 八章 謹序

卷第三 說

說雍 謹序

說壽 謹序

說傳 謹序

卷第四 序 後序

壬子江西鄉試錄序

癸丑會試錄後序

甲寅 恩科浙江鄉試錄序

乙卯 恩科浙江鄉試錄序

卷第五 碑記

重建德安府學大成殿碑記

勅封忠義神武靈佑關大帝當陽陵廟重修碑記

重修尚氏家廟碑記 河西務朝陽寺碑記

重修舊保安衛 聖廟碑記

卷第六 碑記 二

重建玉田縣采亭橋碑記

鹽山縣移建 聖廟儒學碑記

增置保安沈貞肅祠水田碑記

勅賜雲峯寺重修碑記

南漚移建魁星閣碑記

卷第七 記一

湖北學署新修文昌閣記

湖北學署新增屋瓦記 光祿寺題名版記

順天府府尹題名壁記 松江義殯記

重修雲間會館版記

卷第八 記二

重修順天府育嬰堂東西房記

重修華亭縣儒學署記

江西貢院至明堂壽章井記

松鱗閉戶圖記

勺湖草堂圖記

不佞求堂記

和韓遺訓圖記

卷第玖 序一

徐郡丞西湖舊漁詩序

霞蔭堂文鈔序

幽篁獨坐圖序

甌北詩集序

孟子四考序

冬集紀程序

仙壺蘭韻後序

轅韶集序

卷第十 序二

杜梅溪剪餘詩草序

春暉圖序

馮氏宋史詳節序

紫竹山房文集序

南漚縣新志序

韓少農世系感興二賦序

送述菴少司寇致事歸里序

卷第十一 序三

李載園杜梅溪時文合刻序

蔣氏家譜序

華陽敬氏家譜序

李仲節海門詩序

于役聯吟序

陸璞堂適園灌畦圖序

資陽張氏族譜序

卷第十二 序

江西德化余氏家譜序

成都郭氏系譜序

蘇門山人詩存序

丁孝子旌孝錄序

孟子篇叙序

程愛廬雙松圖序

居巢陸氏族譜序

卷第十三 壽序

陳母楊太恭人七十壽序

樊省夫六十壽序

于母王太孺人七十壽序

丁簡齋七十壽序

蔣聖木七十壽序

卷第十四 壽序二

邵梅林七十壽序

曹母朱太夫人八十壽序

侍讀學士王公沈恭人壽序

叙州朱茗翁六十壽序 任樹屏七十壽序

卷第十五 壽序三

寧州朱坦垣五十偕壽序

張封公七十壽序

陳母郭太宜人六十壽序

張母高太孺人八十壽序

王孺人壽序

卷第十六 策問 辨釋

乾隆五十八年會試策問

乾隆五十七年江西鄉試策問

乾隆五十玖年浙江鄉試策問

乾隆六十年浙江鄉試策問

辨諱 辨猥

釋吳

卷第十七 解說原贊

一貫解 說帖

說節送汪輝祖之官寧遠

周小濂改字肖濂說
原繆

遵義唐敬亭遺照贊
并序

卷第十八 書後跋一

書徐袖東所藏琴泉寺佛經殘葉後

書李穆堂初稿狂簡解後

書字林攷逸後

書所作韋公墓表並孔舍人所書傳誌銘後

書所撰說壽說雍稿後
徐袖東印譜跋

跋漢婁壽碑殘本
跋椒山先生遺囑底

卷第十玖

跋二

恭擬 勅封忠義神武靈佑大帝冊文跋後

爲周光鏞跋其五世祖原博茂才詩牘

萬壽千字文跋

皇十一子臨終帖跋

跋張文敏堂帖

跋出火大集方廣經

跋祝選樓所裝子手牘并其婦翁紆亭太守簡

札

卷第二十 墓碑 墓表一

誥授通議大夫例授資政大夫兵部侍郎湖南

巡撫都察院左副都御史查公神道碑

閔處士墓表

誥授中憲大夫高公墓表

邱孺人李氏墓表

例贈文林郎廩膳生羅君墓表

卷第二十一 墓表二

勅授修職郎溧陽縣學教諭贈中憲大夫日講

起居注官翰林院侍讀學士韋公墓表

文林郎寧波府儒學教授存齋周君墓表

封登仕郎四川蒼溪縣典史附監生俞君墓表

誥封朝議大夫工部營繕清吏司郎中候選州
同邱君墓表

誥贈朝議大夫例晉中憲大夫前進士孫公墓
表

卷第二十二 墓表 三

誥封中憲大夫山西道監察御史例貢生吳公
墓表

誥封太宜人張母陳太宜人墓表

誥封奉政大夫例晉朝議大夫京畿道監察御

史歲貢生 內廷供奉雅堂沈公墓表

白華後集
湯進士墓表

中憲大夫銘茶吳君墓表

馳贈奉政大夫翰林院庶吉士加三級顧公墓
表

卷第二十三 墓志銘 一

誥授朝議大夫內閣侍讀學士費公墓志銘

誥授中憲大夫光祿寺少卿沈公墓志銘

誥授光祿大夫刑部浙江司郎中前刑部左侍

郎杜公墓誌銘

賜進士及第湖南辰州府知府諸公墓誌銘

誥封中憲大夫前河南陳州府知府張君墓誌

銘

勅封太孺人彭母歐陽太孺人墓誌銘

卷第二十四 墓誌銘

贈中憲大夫因亭陸公墓誌銘

朝議大夫廣西梧州府知府前長蘆都轉鹽運

使運同孟君墓誌銘

誥封奉直大夫累晉朝議大夫湖南辰州府知

府碭菴陳公墓誌銘

中憲大夫掌湖廣道兼掌京畿道監察御史程

公墓誌銘

中憲大夫福建分巡延邵建道賈公墓誌銘
朝議大夫福建福寧府知府蓉溪繆公墓誌銘

卷第二十五 殯表 殯志

李母葉宜人殯表

封安人王母黎安人殯志

誥授奉政大夫順天府西路同知黃君殯志

封文林郎直隸武邑縣知縣杜君殯志

桐鄉廩生金熙泰殯志

卷第二十六 墳志 墓碣 厝志 事畧 祭文

誥封夫人晉贈一品夫人元配查夫人壙志

例贈文林郎歲貢生蘆溪朱君墓碣

吳君虹若權厝志

旌表貞孝宋查氏事略 祭沈華萃光祿文

祭曹習菴學士文 下沙先祠焚黃祭文

查夫人焚黃祭文 擬關帝加封告祭文

卷第二十七 古今體詩

少林同年載書圖

以下
癸卯

正月除日餘菴少林袖東枉集虛舟得池字韻

二月十四日雪

研齋觀察峴首曉行圖次韻

寄題天門文學泉次王元之韻

四月五日同王青聯周懷昉送春劉氏園亭

題黃鶴山亭圖送苻陂方伯之晉

徐敏菴

荀龍

刺史夢入山與三開士談禪覺後

惟憶引佛經過去心不可得現在心不可得

未來心不可得三語爲圖與詩卽次元韻

次韻題王蓬心江樓餞別圖送吉人觀察之鎮

筭

圖爲戊戌送吉人入覲作

次韻苔約軒宮贊見懷

附韋作

桂林陳孺人節行詩

爲梁山令蕭某之外姑

祝澂齋水流雲在圖照

雲中山水圖爲研齋觀察作

采菊東籬下得東字

宿藥城竹軒中丞自京入滇于名紙錄示近作

時帆少司成溪橋詩思卷

餘菴自鎮筸入都以馬見贈

卷第二十八 古今體詩二

卓峯侍御視學廣東於署左淤池中出所謂九
曜石者池卽南漢仙湖與藥洲通而一石不

知何時落藩署卓峯自爲之記復爲蓉陰洗

石圖題二十六韻

以下
甲辰

七夕礮士少宗伯席上飲槎盃同習庵涵齋作
七月八日劍亭涵齋招同梁鐵幢景穀江莊葵

堂周駕堂集嘉樹書屋

重陽後一日梁副憲沖泉澹足齋看菊

九月十八日懷柔山上夕眺和韻

爲研懷舍人題令祖垂書丈梅花集句卷

桂堂戶部購其從祖一邱翁畫山水

題陳文莊閱耕軒詩後

爲沈

維坤

比部題令祖健庵司諭遺照

儲生

嘉珩

家隨之安居鎮澹水經焉丁酉三月

生應拔貢試燕羣至其所爲雙桂堂者垣壁
楣棟皆滿十餘日始散生被舉其尊人改題
曰千燕堂予嘗錄生第一生投詩二百韻頃
至京言其事因成十六韻

德輔如毛得倫字

題姜巢雲松鶴寄壽種石兄

興化趙九鼎寄杖圖

題六根清淨圖送澹園歸西湖

深巷明朝賣杏花得天字

卷第二十 古今體詩三

三月廿日廿一日

賜內直諸

臣文房清具

臣省欽得

文竹都盛盤一香盤

三眼鏡一恭紀

以下

題葛山先生觀海圖

籀石侍郎爲慕堂學士圖中峯五松偕扈盤山

時作

潤物細無聲得無字

葛山先生澄懷園二十友圖

爐烟添柳重得添字

千章夏木清得潭字

解帶量松長舊圍得圍字

兩敲松子落琴牀得敲字

畫蘭

梅竹畫扇

題扇頭貼絨梅竹

端陽小景

到門不敢題凡鳥得凡字

城外青山如屋裏得山字

鐵馬和韻

鎮心瓜

深樹馬迎嘶得嘶字

送葛山中堂歸漳浦恭依

御製詩韻

渭厓學士夢溪讀書圖

蟬搖背指菊花開得搖字

直到花間始見人得間字

一月得四十五日得工字

淪漣晚汎圖

修竹成陰手自栽得陰字

題繆秋坪硯山春曉圖照

顯微鏡

卷第三十 古今體詩 四

小陽春

鳥獸毛毳得毛字

亦在車下得車字

穆如清風得清字

羊晴石

歲寒松栢得知字

敲冰紙得敲字

次韻門神二首一嘲一解

蓉塘宮贊鑑曲垂竿圖照

以下丙午

張若州聽泉圖

張子畏觀察秋山歸騎遺照爲今子

景運賦

壽雪刷憲拜內閣學士之命奉次紀恩詩

元韻

賜鄭宅茶詩次韻

書肖濂所寄金壺字攷

程孝廉

瑤田

說劍圖程有桃氏爲劍攷

程孝廉

瑤田

臨董文敏書御書樓記

德清徐孝子

景韓

晨窓舐目圖

晴湖太守小照四首

林凝香雪

雨漲遙岑

竹墅吟秋

海天浴日

次韻蒼馮考功時以宋史詳節督序

帶雨不成花二律次韻

卷第三十一

古今體詩五

人日和竹軒司馬韻

以丁未

廣饒竹虛司農次竹軒韻

皇六子手書臨帖二詩見示謹次元韻

垂雲助夢涼次韻

一樹碧無情次韻

雨後步庭前見盆桂初放次韻

蟹輸芒次韻

秋燕次韻

夜枕

一月三捷次韻

香亭少司馬鼓山觀海圖照

正月十八日集丙子同年竹軒侍郎壘丁未廣

謙韻見示奉和二首

以下戊申

詠硯屏次三講全韻

二月除日戟門司農招集桃園阻雨未赴次定
園師韻同惠三少宰作

蔗塘春泛二牖

楊忠愍公獄中所植榆苗後復榮

榆莢雨得青字

棲鳳難爲條得年字

螢火不溫風得溫字

時帆學士蒲圃宴坐圖

壽雪閣學扈從校射蒙

賜雀翎記 恩和韻

初冬侍 皇十一子校試武場以張尙書

照十

九歲時所書金人銘換乞妙蹟尋題張幅首
見示詞旨抑然並書是銘見貽謹賦三十二
韻

皇六子臨淳化軒閣帖十卷命題九言二十韻

十月旣望題璞函丙舍授詩遺照時在京闈至
公堂監試武士冗次拉雜不知所云也

題蘭舟通議寫真
大風歌書後

金可亭司空早朝圖
筠心茶墨間

書武功張洲所撰崇慶牧常黼廷紀昔嶺殉節

錄後

徐通守觀海自南昌運漕米來京以圓桌見遺

卷第三十二 古今體詩六

正月下澣約軒侍講瑤峯少尹戟門少農霽園

光祿枉集小齋竹軒庾帥亦至次日以詩見

示並以敝冠過窄在贈貂簷次韻奉荅以下已酉

周竹齋含飴圖

時颿學士以所藏徐勝力袁杜少馮方寅李公

凱麗雪厓諸前輩冬日崇效寺雪公房看梅

詩冊屬題步止堂同年韻

高月峯上桂松泉圖照以下庚戌

章葭邨司訓浙江觀潮圖遺照

張鹿樵上舍懸巖積卷圖

董四墓桃

次韻荅孫茂才世份

題王謙六履吉海運六圖

題陸挹泉冰所藏曝書亭碑銘拓本

蘄州陳良翼令諸羅名嘉義遷雲南州牧受代

將去曾林爽文之亂後令被戕而賊護陳一

門賊退大府檄陳權縣事城復被圍陳守禦

兩月餘事平作圖索題十六韻

庚戌十一月赴約軒司成幼郎湯餅之會用金

圃前輩韻

卷第三十三 古今體詩七

劉薊州 念拔漁莊春霽圖圖宰雄縣時作

以下辛亥

懷昉自津門至京就館金陵節署

永平試院有香樹司寇和李東懷孝廉三古松歌松二在院後一堂後皆白皮四小松對峙者近人所補種耳爲系一律

豐潤董觀察漁山先生

榕

博學工文章北方之

學者未能或之先也癸酉甲戌間假館汀州郡齋對談輒夜漏三四下童僕散去而抵掌

鼓舌無係容其著述甚夥惜不盡傳最傳者
獨芝龕記耳頃過縣中有感而作

薄病浹旬記癸酉冬假館江州郡齋恒岩先生
以予偶抱寒疾每日問視數至半月霍然此
後亦未有抱疾至旬者頃童錄豐潤有董光
璫者詢之其猶子有子作尉湘鄉感成一律
嘔血兼旬籲懇辭任養疴

命以省蘭弟

遄行至潞受代

寄題夷齊廟

潘皆山明府月下荷鋤圖

福蘭泉太守以詩稿見示卽題其後

青浦園津菴靜公雲烟供養圖

春江水暖鴨先知得江字

八月十一日恭和

御製留京王大臣報得透雨詩以誌慰元韻

恭和

御製喜晴元韻

恭和

御製漕運總督管幹珍等報得雨及南漕全抵天津情

形詩以誌慰元韻

恭和

御製觀瀑二首元韻

恭和

御製瀛子園卽事元韻

恭和

御製詠旃檀林鳳尾松三疊乙未舊作韻

恭和

御製閱射元韻

恭和

御製鏡香亭對荷有作元韻

恭和

御製倉場侍郎蘇凌阿劉秉恬奏報起漕全竣詩以誌

慰竝均予議敘元韻 恭和

御製西照有會元韻

題石渠觀察西行圖記

題寶菴侍御種竹清照

卷第三十四

古今體詩八

恭和

御製賦得王道如龍首得龍字元韻

恭和

御製啓蹕避暑山莊卽事元韻

恭和

御製過清河橋卽事雜詠元韻

恭和

御製曉行一律元韻

恭和

御製出古北口作元韻

恭和

御製至避暑山莊卽事元韻

恭和

御製永佑寺瞻禮元韻

恭和

御製題繼德堂元韻

恭和

御製西峪元韻

恭和

御製題秀起堂元韻

恭和

御製夜雨元韻

孫貞堂擢刺永豐徠灤候、觀會田秋坡灤亦

至自渭南信宿遂別共覺黯然爲成四律

余參軍定應小照

小暑前二日同人在集灤陽試院寓齋裴山賦

詩見示次韻

賦得擲地金石聲得心字

卷第三十五 古今體詩玖

聚奎堂次治亭少宗伯韻卽呈石庵家宰

以下
癸丑

治亭少宗伯以行楷草題扇見遺乞石庵家宰

作楷其背

癸丑十一月題吳

名照

白菴畫竹小幅送傳慎

齋謹身歸蜀

輓坦園孫觀察

芝軒修撰秋帆歸興圖

遵義楊某未媚妻尤守志詩

伊雲村光祿梅花書屋圖卽送其歸寧化

以下
甲寅

正月八日東皇師同韋鴻臚褚學士餞送王述

菴少司寇和約軒韻

正月九日奉

勅恭和

御製重華宮茶宴廷臣內翰林復成二律元韻

以下
乙卯

正月九日奉

勅恭和

御製新正紫光閣茶宴外藩元韻

正月十七日有感

莫青友京尹宣南坊寓齋臨川穆堂前輩故邸
也秋岳慕廬諸公先居之見謝山紫藤軒記
京兆以橫街舊寓有絳桃海棠白丁香各一

顏曰三華樹齋遂於軒西南結三楹亦植此
三者並仍其名繪圖索句爲成二律

譚孝女刲臂療母詩

有序

爲光山胡公少宗伯補諡文良作卽用雲坡尙

書紀 恩原韻

爲金素中太守題臺海歸帆圖

汪古愚

本直

刺史于忻州葺遺山墓

卷第三十六 古今體詩

十

正月四日千叟宴恭紀

以下
丙辰

恭和

聖製新正紫光閣宴外藩元韻

法時颿祭酒梧門讀書圖

二月七日發良鄉大風晚宿高碑店

保陽試院柏乾隆己未西蜀倪象璫守此所種

今存者十二三耳屬在幕諸子同和

定州試院後樓題壁多舊識者莆塘則華亭陸
大令惇宗瘦銅則吳縣張舍人墳皆入幕而
來前學使亦多和韻之作

孫蕉石

麗京

刺史連日餉冬笋

小極試鼻烟戲作

以冬筍詩報蕉石則云蘆餘杭徑山筍熟之者

用前韻解嘲

地毬銳上平下馬射中此爲工校士有作

三月十六夜望開元寺塔燈和楊慕婁韻

定州院齋紫丁香和韻

定州使齋有木高廿尋雙幹枝葉類槐榆風甚

則液自枝間飄墮如雨湘潭朱進士聲亨謂

在楚曰棒其良者作器撲繖粗者不材液點

地卽蘊蟲按棒山榆卽郎榆本作棚榆說文

以爲松心木棚之從楠文異音異而訓不異

目見而知詩以記實

題趙州試院樹人堂

并序

冀州送杜武邑

羣玉

梅菴歸養崑山卽用留別

韻其末並寄李玉樵筠心貳園

永年新生院化龍叩之故阮姓百餘年前某提
學改爲院家譜可據因復其姓而更名猶龍
題廣平院槐一律

五日題圓津寺有序

阜城枕頭瓜

錄饒陽武童十五名其四師何慶麟其六師段
鍾華何段皆以技名而老武童不復試感作

題紅橋載酒圖 有序

南皮張烈婦詩 有序

題笛樓司馬叟宴紀 恩詩後三絕

卷第三十七 古今體詩 十一

恭和

聖製新正重華宮茶宴廷臣及內廷翰林用平定苗疆

聯句復成二律元韻

以下
丁巳

三月廿三日穀雨玉田行館牡丹言有白者次

壁間顧伴槩孝廉韻

豐潤行館海棠歌 有序

遷安食卜梨

四月望後重過玉田觀白牡丹示李生

同游諸子見和白牡丹詩再疊前韻

永平食黃花魚卽吾鄉之石首而小津門亦有

之皆海產

土木顯忠祠

新保安謁沈貞肅祠

謁清節祠

有序

戲題水墨達摩

休寧鮑氏墓圖

有序

俞貞女所畫女貞木

題查榆墅內弟遺照

八月一日東兵將由陸入楚乃泛舟津淀旬日

抵省作

重陽登定州試院後樓次壁間韻

重陽後二日登鎮州試院後樓

十月七日午飯雨花菴張平山詩濤以滌松草

急遞索題用壁間吳文簡襄韻

重憩雨花菴示滿公次壁間韻

邢州試院與金力農世熊感舊

十月八日重過圓津菴示月如上次章指方

恪敏養病修寺及令姪來青觀察重修事

題于益亭太守見示文襄公送殯詩卷附于文襄作

和壽雪少司寇丁巳八月二十七日六十初度

時扈

歸回至兩間房途中誌興元韻

卷第三十八 古今體詩 十二

二月初八日同紀宗伯時慶金二司馬桂松趙

少宰佐蔣韓二司農賜榮宗室倉帥宜興熊

司寇枚蔣廷尉日綸汪副憲承需莫京尹瞻

叢衛侍御謀集劉倉帥秉恬寓而梁司寇肯

堂居賓席次日司寇復邀集于劉寓和劉紀

二公原韻以下戊午

德厚圃侍御生寒香課子圖

爲法司成梧門題所居西涯十二景

詩龕

松樹街

清水橋

鰕菜亭

淨業湖

積水潭

滙通祠

慈因禪院

李公橋

豐泰庵

慧果寺

十刹海

彈琴峽

沙城雨

食蕨

補竹圖照

以下
已未

徐臨沚以食不重味見讚次韻酬之

予與臨沚斷酒已久田畝各可耕用懺前作

姚一亭觀察采菊遺照

以下
庚申

庚申季秋十八日予初舉子名曰敬沐喬鵬村
同年以詩見賀次韻二首

徐玉崖觀察寄書馳賀並以如意藏佛惠存再
疊前韻

祐堂姪自下沙來言聞喜甚速三疊前韻並寄
八姪都中

得稷堂弟書四疊前韻

送喬氏女歸上海五疊前韻

竹橋姪寄諸服食詩以報之並寄槐江南陽軍

營六疊前韻

寄立厓同年七疊前韻 玉崖和詩再疊前韻

庚申生日用舉敬沐詩韻

卷第三十玖 古今體詩 十三

題立崖天遠歸雲圖 以下辛酉

徐香沙秋江觀濤圖

陸雪堂松下聽泉圖照

題鑑堂太守松石泉清賞圖并送其秩滿行

觀

題唐翁澤琴鶴圖

楊樞峯 懌鑒 小照

次張悔堂司訓原韻贈徐楚畹茂才 以下壬戌

劉生鳳千有陳供奉枚折枝牡丹曾題句而失
之頃自郡返舊林見鄰園此種甚富而生書
堂前數本予下榻時所吟對者尙無恙也補
亡感舊依清平調作三絕

恂齋松間泉石圖

陸息游自鋤明月種梅花圖照

陸廷珪雙梧草堂圖

湖州徐研田因其室衣有墨漬作蝴蝶花草點
之孤固亭城從其姊乞得屬裱手翦作十六
幅裝冊自隨乞詩癸亥

卷第四十 詩餘

摸魚子 題金庭書館

摸魚子 寄題蓼花湖舫

梅邊吹笛圖

秋圃雜咏九闕同人集聽鐘山房作

滅蘭 咏蟲聲

風蟬令 咏牽牛花

臺城路 咏豆花

百字令 咏薑

買陂塘 咏蒲蘆

金縷曲 肖濂寄玉帶鉤

疎影 用白石道人韻題顧仲榮孝廉

桂枝香 又曉桂林小照

桂殿香 咏秋蝶

賣花聲 咏柿

柳梢青 咏蒲桃

桂枝香 咏萊菔

金縷曲

兩窗轉離山東時為秋林待鶴卷旋移
浙移長蘆丙辰秋秋索題詩距圖成蓋

六年云

金縷曲

題雲坡大司
寇四友圖照

百字令

為方葆岩太夫人
七月十七七十壽

百字令

司馬溶川帥
七十壽

右存文一百五十五首詩三百二十九首附

作三首詩餘十八首

白華後稿卷之一

南匯吳省欽沖之簪

敬樞星宰

男

敬沐起元

校字

奏摺

丙午監臨京闈奏摺

乾隆五十一年

臣遵

旨監臨丙午科京闈試事查生員中實年八十以上而入學時業已少填年歲者二名貼出二名近年入學者六名均不計外其自雍正元年至乾隆十年入學者侯鏌蘇彩飛王泓梁元鈺四名又國子監咨送山東恩貢劉子旭一名現俱三場完卷伏念我

皇上德躋仁壽道契文思環璧水於橋門宏敷解額讌
華筵於杖几廣邵耆齡鄉飲興賓遞譜由庚之咏星躔
紀史適符見丙之占甄陶已遍羣倫沐浴倍深近甸當
青瓊守業而尚戀朱衣斯白蠟研經而勿忘黃卷臣近
光有幸將事維虔月路風簷喜多士尚無越畔蒼顏華
髮覩高年復事觀場謹核各該生入學時所填年歲據
實繕單呈覽

丁未立春日雪

次早即報摺
小除日

伏查今冬雪澤尙竚優霑向三素以迎祥與六花而競
瑞麥畦滲潤真自葉以流根穀府涵精定乞漿而得酒

迓北斗朝真之序慶衍元辰似淮西平賊之時懽騰竝
海屢豐協兆大有登書

戊申正月十二日報雪摺

祥迎除日旣沛甘霖禮洽 祈年載霑宿潤三白疊徵
於半月五花適候以一風由歲序而卜金穰銀華播彩
及春嬰而符穀熟瑤樹流膏萬井臚歡鯉淀之恩波倍
廣六街効忭鰲山之盛事增輝澤寧扶寸雨自依旬

己酉正月十二日雪報摺

德臻樂壽治應中和香篆凝 齋祇奉

祈年之典星毬映采將迎元夕之期計臘前遍出六花

尙留滲漉看春到適交三日大沛霽霏略疑起絮之風
乍飄乍止好接含膏之雨旋積旋融東陌興農共卜椒
馨酒旨南交振旅不勞柳往雪歸宮府臚歡耆黎抒忭
耕藉禮成優予獎叙謝摺

皇上政洽有恒訓垂無逸寰宇竝躋夫 壽域黼黻三
登耆黎共樂乎春臺脞昉萬井計得酒乞漿之歲小卯
宜耕恰佳晴旣雨之朝元辰協筮青旂夙駕農祥正見
方壇黛耜從公田峻願勤終畝敬治一壩祇候 三推
原隰告平久膏流膏之澤陰陽應叙不需問喘之勤播
穀種以盈箱萬箱肇慶奏禾詞而結耦千耦臚歡頌至

健之

天行純常益懋仰先勞於

帝力作息皆安

臣等

猥承

董勸之殷得與奉鞭獻種

方切鈍驚之媿僅同埽路清塵何意

殊恩特叨

優

叙光依日月慶康強逢吉之庥利溥農桑矢明作有功之悃

御製集石鼓文製鼓重刻序

御製涇清渭濁墨刻

謝摺

伏以

文垂雅頌

治采風詩

辟雍之政理維新用

昭法物

懿戒之訓行早切化洽澄源載溯西京列鼓

詎同於魯薛肆言東狩遺文僅顯於張韓或鑿曰而存
窠若填金而運橐不逢修訂致殘缺之多年 特命編

摩信光華之復旦按甲乙丙丁之序綴腋成裘仿靄靈
路晉之形破觚爲器從此摩挲舊製寧嫌牛礪童敲祇
今 審定鴻章如剖灞元漉素秦川在望邾什重賡緣
沙淨而知涇水之激卽泥渾而識渭流之膩凡 咨牧
省成之意 著示瑤篇粵 尊經稽古之思 惠頒琅
笈 臣學疎考鏡職濫乘輅同馬攻車班未隨夫表貉揚
清激濁志倍稟於濯纓

賜論語集解義疏謝摺

欽惟 治煥堯章 心涵孔義 論思密勿集條理於
大成 語道從容疏淵源於古訓維玉書啓聖生長在
魯宋之邦迨木鐸承天譔述徧偃商之侶廿二篇謂之
齊學章句較多十三家授自漢儒流傳漸廣何晏彙諸
人之說皇家起後裔之賢時值蕭梁官居散騎序其要
旨每同釋詁之文疏其滯機深得讀書之趣名著尤晁
之錄鳳閣尊藏光生齊魯之編鯨波遠泛爲問齋然作
鑑應隨七略而陳試稽井鼎新栞具載七經所考顧鮫
涎易汚求半部而無從迺麟髓斯馨冠四書而特布稽
古則漆彫鬻穀延閣遙窺考義則蔬食纈衣園橋式聽

五雲攜到光圓泗水之珠複壁聽來響振尼山之鐸高
句麗之本不待重繙陳振孫所題何妨再補信懸金而
罔購幸授槩以先陳臣伏案咿唔發函跪跼堂名溫故
新承 日月之光華家擁賜書迴望海天之曠蕩

辛亥正月十四日雪報摺

乾隆五十六年

澤涵舊臘白驗三番脈發新春青占一棧迓上元之令
節火樹星浮居中候之祥符瑤華月映幾望而筴逢二
七陰德儲精乘時而耦紀十千生機蓄潤從此依旬雨
到飽看九穀之登卽今盈尺膏流快覩五花之出歡臚
紫陌慶溢黃圖

弟省蘭以侍講試擢詹事謝摺

臣江介寒門瀛洲下乘猥從

御試倖冠清班京尹

改遷六載再逢考績秩宗備佐一時復畀衡文俱夢想
所不敢希欲報稱而莫由效至

臣弟

省蘭

幼隨佔畢本

無對日之才壯列科名輒被凌雲之

賞屬當考校載

荷披掄方授簡以旁徨迺臘資而晉陟憶昔櫻桃霑

賜忝標第一之名祇今駿隼承輝如唱疊雙之獲後

先與試驚思廿四載以前兄弟同升驟列二三品之內

送聯翩之鵲喜寵極逾驚沐浩蕩之

鴻慈感深倍

悚雖無私之薰載裁者斯培而踰格之高深欵則易覆

撫衷自省逾分難安

乾隆六十年

再任順天學政謝摺

乙卯十月間臣自浙江典試回京在嘉興途次接准部咨內開 上諭以臣提督順天學政伏念臣與臣弟

吳省蘭菰蘆陋質鉛槧庸才並無一得之愚虛負十年之長倖邀 知遇考言而俱冠詞曹自佐寅清教士

而猥先輔郡會值沈疴之抱顛陳解任之私仰蒙

聖主鴻慈曲加俯軫俾臣弟省蘭遄來接篆臣得於乾

隆五十六年夏秋間優游累月調護多時沐 再造之恩施感切生生世世忝二難之流品愧深弟弟兄兄

乃者未返使程載宣

溫命以近畿素稱首善徇鐸

需人而

微臣

舊序肩隨循環受代譜玉堂之故實幾疑

雨露較偏膺文枋於密都長奉

星雲有倬感

深倍惕榮極滋慚

壻上海喬淦玉繩覆校

白華後稿卷之二

敬樞星宰

南滙吳省欽冲之簪

男敬沐起元校字

符雅

六符一首謹序

乾隆四十玖年

臣江鄉顓陋往以六飛載幸之歲奏賦通籍自翰

林御試累第一洊陟卿寺今年春孟皇上六

幸南服治防河海施布德惠合前典若符節符之

制篆玉剖藏有事則合以徵信志符瑞者理不足據也

言符命者事不足述也泰階六符占自軒后妄襲斯名

譏錄一篇紀聖符合六之非偶拜手稽首而稱曰

傳曰天六地五數之常也日有六甲辰有五子周而復
始太極中央元氣然也然天地之數皆五五六爲中數
人受天地之中以生事舉其中禮取其和近之所以斂
福遠之所以位天地育萬物也 上紀元長世越丙

辰至今甲辰於紀協大衍之用月在履端緝五載一巡
守之禮指南導 鑾是維次六仰維 聖祖仁皇

帝六巡江甸鞠謀民隱嘗 親莅河干度清口之

西之陶莊醴渠使北歲月游久績成有待我 皇上

二十二載以前兩紓江浙之駕濬深培薄申率舊章黎
民滋懼哉商邑五遷蚤患河圯禹績之績務審勢而利

導之河強淮弱洪河憤而助淮下游其魚厥憤始洩若
河流回漾入淮二瀆鬱停實軫中策何論上策焉

皇上紆視再三標立水誌高堰之水計寸斯清口開洩
之水計尺若陶莊疏分之支受享瀆宗奔騰赴海海於
物最鉅其在會稽餘杭間者南坍北漲各捨中壘屬薪
壘土弗輦扞蔽旣植椿如梅之瓣鳩工飭材鱗石相次
戴橋西四千餘丈墉如砥如揜土夾溝柳栽綠滿凡僚
庶百執事千慮弗獲
睿照一周洞若觀火若范塘
工役內帑載頒今費視昔安瀾鎮海貞符炳矣孔子稱
舜曰大知孟子稱禹亦曰大智智者達天故樂水智者

達理故行水水壅故害水歸故利水源河委海頌時邁
言及河般言翕河序以謂巡狩時祭望之作而不言海
虞周書言巡狩或五載或十二年言方岳不言河海非
載筆者詳舉他政而於河海從略也通水泉相原隰誦
王寧者祇以召伯之成卽滌源陂澤親乘四載皆禹作
司空未爲天子時事我 皇上九重之貴萬千之壽
閱三月之久往來七千里上用繩 武下用求莫
孜孜惟日欲至於萬年自生民以來信乎其未有也或
曰天一生水地六成之 聖人與天合一而展義度
方自一至六故水之績以成或曰乾陽爲龍能保安會

合於太和故六龍御天有保合太和之道或曰律呂各
六律有長六寸者所以含陽之施祿之於六合之內地
振河海以兩地得參天之數故先後徵舉 六巡象天
地之博厚高明悠久而萬物以之覆載成也數以中合
體必以中正不偏不倚中也實敬也物以誠動心以誠
求不貳不息誠也實明也則壤成賦揚域浩浩烟井湫
藪懸在旦夕河海之烈詎堂坳咫尺之汜溢哉民視民
聽惟 皇敬 天不以已溺之心測之或速效
而久弗要敬未至也思艱圖易維 聖明理不以在
宥之心體之或好問而邇弗察明未至也由敬由明而

繹之中繹之誠誠者聖功之本王道之全無時無事不然是故賚粟帛存問高年猶是也而齒邁期頤秩以司成之寵渥慶疆吏晉級資案猶是也而職視河隄懋以世及之賞延經途減租牢盆緩課猶是也而省郭全蠲商竈竝豁之澤廣附學增額奏賦授官猶是也而仙源釋奠祕閣賜書之輝遠加以弛刑徒贍戍旅有事於名山大川以禮叩往代陵寢南蕃職貢之使次途成禮俾免稽候誼問布函夏歡聲動原野有此數者足以登軼三五轍七十二君之廷鄙禪亭爲螳垤咄御駿爲跛駕矧乃匪游匪度民用和睦婆娑鼓掖望歲願慰懷柔之

效彰清晏之休游若河宗應祈越詰旦言上游之故道
復焉若海若炳靈如老卒言北塘之長櫓下焉嘉貺駢
臻勤思罔懈易風行地上有省方觀民設教之象昔聖
人處其易 今聖人任其難惟難惟慎用協克一孔

子復起有間然不然非 玉鑾紆軫指事度物奉行少
鑿孰抹之而孰補之貞固幹事體元長人貞元互根純
亦不已以天統言始於甲會於辰辰於十二辰有振美
之義以卦位言出乎震齊乎巽相見乎離離有重照之
象以洛疇言皇極位九疇之中其功操乎五事其應備
乎五福福莫如壽傳曰王者思睿則壽丹書曰恭則壽

睿卽明也恭卽敬也敬無不中中無不和順氣逢涌暢
垓汭埏一莖九穗之禾九苞獨觝之獸登初郊極

上淵懷吉謙葆素師儉弗以誌符瑞陽鼉涉江郵置遄
告听然聞喜曾孫之慶燕及

五世天數用九五

數麗中書親睦九族以堯之高祖至元孫言詩駿惠我
文王曾孫篤之以孫之子而下言統舉略舉陳義揚頌
實非有嶷然之元孫睹也族有九而元孫爲中數也身
其康彊子孫其逢吉

上聖德受申命本支百世屬

南東 六駕之會重孫毓稟凡血氣有衆尊親共戴巍
巍乎煥乎太史上言五六天地之中合黃帝合符釜山

堯甲辰在位時有是哉

聖駕釋奠臨雍講學禮成雅

八章謹序

嘉慶三年

臣惟君師佑民富教保庶我

皇上德與福偕生民

未有繼

列后之不緒敷

太尊之作人祥

風和氣與翔與游宙合榮鏡古文思文明之帝蔑以復
加凡在含生負氣薄海內外熙熙焉蒸蒸焉罔泝道德
之淵源祥洽仁義之林藪觀人文以化成天下易之爲
道也禮臣考典簪嘉慶三年二月上丁謹修乾隆三
年

太上皇帝視學禮先期告齋及期

躬釋

奠於

先師孔子誠敬致孚懋儀三獻洞洞穆穆淵淵

乎潔齊若羹牆之見先後揆一焉雍宮莅止載啓

講幄若王公卿尹百執事下逮六館徒衆若聖支賢裔
翹首跂足園橋門相睹聽者景從雲集揚蹈軒舞渙然
理順僉以調明新至善教思无窮容保民无疆斟酌飽
滿一哉大哉游 聖人之門難爲言而學之貴講也唐
臣韓愈曰道德爲虛位仁義爲定名聖者之道德明新
而已帝者之仁義教養而已露雷風雨天之養天之教
也兵農禮樂聖之養聖之教也宰化以氣而萬彙昌達
流以原而百谷集純德駿業盤衍布濩之幾沛乎不可
禦也淵乎不可測也天地之經緯曰文聖人禮樂政刑

之治皆曰文統言治則廣大專言文治則高明洪惟我
太上皇帝六十年來文德敷洽日月常新經史之本原
諸子百家之枝葉六府三事之綱紀法度含咀綜括洋
洋
聖謨在
御文編集三在
御詩

編集五焜煌紉縵伏覽快睹誠刪定贊修之業也四閣
徵書羣經樹石蒐遺補闕埽繆訂頑誠博文約禮之旨
也立學逮遠設科
推恩莘莘濟濟作人光化至乃

心傳華殿金聲宣衆無歲不然若
省方

觀民設教
法駕親詣
闕里至再三四祇敬益

虔惟
至人能自得師是以文化之隆續天藻地

超越繩契如重離之照四方久照萬古然則 宣聖集

成之詣

太上皇帝念典之心也

太上皇

帝念典之心

皇上日新之學也

皇上聖自天

縱當青宮毓德時

彝訓聰聽聞知見知克合符

契今

釋奠於廟視古之不立廟而於學釋奠何如

講學於學視古之於學釋奠而學不講者何如詩

雍雍在宮有來雍雍說者以爲指辟雍固未足信而文
王武王都豐鎬作辟雍豐之辟雍在郊鎬之辟雍在國
中胥西東南北四門之學無思不服蓋謂是建學化民
民知所以教所以養治統道統大學之道在是太學之

道在是而謂是藻飾彌文沿樂襲禮云爾哉 太

上皇帝君師統合尊禮 孔子於廟易黃瓦置彝器於

太學濬 辟雍建 圜殿大昕鼓徵廣大悉備神人和

鬯天地訢合 傳心 傳政淵源一貫古作

述無憂之聖其福能幾於千百之一二哉 臣材質顓陋

忝視畿學猶周西東南北四學拱服於鎬京之辟雍辟

雍肄雅頌宮肄頌頌及獻囚食菑之候也雅及鼓鐘舍

萌之序也謹循茲義摭誠竭愚撰雅詩八章備 採

覽焉其辭曰

惟 天垂象有爛星雲惟 聖是則煥乎大

文光被乎萬邦黎獻洎跂行喙息我 皇繹思曰時

建極曰時陳常曰誕敷我文德 一章章十句

瞻言 尼山大道斯統展視日丁惟春斯仲黃黃者瓦
秩秩者邇有芹有苳有醴有牲庸 奠幣于古先二

章章九句

配饗次四則哲惟十廡東廡西羣儒是秩 咨爾卿
士酌言獻之有功則祀茂展上儀 三章章八句

彼哉泮水雍流拱璧漢京而降數典弗籍 詔曰

疏之如川與流如道脈與求於論於樂 作宮仙

洲 四章章九句

旭日旦矣卿雲爛矣
聲之振之觀聽粲矣
皇

日勗哉爾吉士吉人越若明德越若新民貴德

太上敦臨千億春

五章章十句

十鼓輪囷象天地數十器璘璊考周制度或位于廡或
薦于筵猗吉光之黜然猗
聖澤之沃然

六章章

八句

雍雍鳴鳳于山之阿九韶鏘鏘日中且和日管曰磬曰
籥曰羽三十六人象功以舞羣
孔思以韶武

七章章

九句

惟社受命惟學受成雲合霧埽卜師吉貞采蘋祁祁獲

醜連連匪今斯今

豐功十全仰

堯文猗

日懸契

聖德猗日宣无疆惟庥无窮惟教

聖作

聖述大學之道

入章章十四句

堦上海喬淦玉繩覆校